

SAOPŠTENJE ZA MEDIJE

Sarajevo bogatije za još jednu dm prodavnicu

Udruženju porodica djece i osoba s poteškoćama u razvoju „Dajte nam šansu“ uručena donacija od 5.000 KM

Sarajevo, 19.8.2021. – Od danas je Sarajevo bogatije za još jednu dm prodavnicu koja je otvorena u poslovnom centru Unionkomerc, na adresi Džemala Bijedića 2. Već od 9 sati ujutro prvi posjetitelji novootvorene dm prodavnice mogli su uživati u ugodnoj kupovini željenih proizvoda iz bogatog dm asortimana, koji uključuje proizvode za njegu i ljepotu, bebe i domaćinstvo te iz segmenta zdrave ishrane.

Širenje prodajne mreže, koja u glavnom bh. gradu sada broji čak 16 prodavnica, dm je obilježio sa zajednicom u kojoj posluje. Tako je Udruženju porodica djece i osoba s poteškoćama u razvoju „Dajte nam šansu“ uručio donaciju u iznosu od 5.000 KM.

Udruženje, koje postoji deceniju, a u čijem okrilju od 2014. djeluju i dva Servis centra – „Dajte nam šansu 1“ i „Dajte nam šansu 2“ - korisnicima pruža besplatne usluge informisanja, pravne i psihološke podrške te boravka djece uz različite aktivnosti unutar prostorija Udruženja. U svojoj bazi trenutno broji 780 porodica, a taj broj, kako kažu, svakim danom raste.

„Otkako smo formirali Servis centre, naš tim kojeg čine: pedagozi, psiholozi, pravnik, socijalni radnik, medicinske sestre te drugi stručnjaci i volonteri srodnih zanimanja, besplatno su pružili više od 85.000 usluga svim našim korisnicima, odnosno porodicama djece i osoba s poteškoćama u razvoju bez obzira na dob, stepen i vrstu poteškoće“, istakla je Džananović Minela, asistentica menadžera ovog udruženja naglasivši kako im svaki vid podrške znači mnogo. **„Ovom donacijom dm je prepoznao koliko je naš rad značajan za Kanton Sarajevo, ujedno pokazavši da je društveno odgovorna kompanija spremna pružiti podršku najmarginaliziranijoj skupini našeg društva, stvarati socijalno osviješteno društvo, odnosno biti primjer drugima u okruženju. Donaciju ćemo iskoristiti za usluge koje pružamo našim porodicama, što će olakšati naš rad, a našim korisnicima pružiti sve ono što im u našem društvu nedostaje“,** dodala je.

Donaciju i otvorenje nove dm prodavnice podržao je i načelnik općine Novo Sarajevo, g. Hasan Tanović, jednosatnim, dobrovoljnim radom na kasi te je zajedno sa Edisom Lačić, regionalnom menadžericom dm-a, uručio ček donacije.

Tom prilikom, gđa Lačić je izjavila: **„Kreiranje osviještenog društva koje prepoznaje potrebe porodica, djece i odraslih osoba sa poteškoćama u razvoju i sistemski ih rješava uvažavajući njihovo dostojanstvo, različitosti i mogućnosti, vizija je ovog udruženja kojeg kompanija dm, njegujući iste vrijednosti, želi podržati. Drago nam je da nam se u tome pridružio i g. Hasan Tanović te da smo zajedno ovom donacijom obilježili otvorenje naše 16. dm prodavnice u**



Sarajevu, a 80. u BiH. Želeći uvijek biti bliži kupcima, na novoj lokaciji nudimo proizvode i usluge iz naše bogate ponude za svakoga.“

Pogodnosti za kupce i nagradna igra

Povodom otvorenja nove dm prodavnice u Sarajevu, dm je pripremio i posebne pogodnosti za svoje kupce. Tako je sve one koji su obavili kupovinu u vrijednosti od 30 KM ili više, danas na kasi čekao mali znak pažnje, a sve kupce do 21.8. očekuje još niz iznenađenja!

Naime, naredna tri dana za svaku kupovinu dm će darivati ceker, a svim kupcima osigurati i popust od 15% na ukupni iznos kupovine. Za kupovinu u vrijednosti od 70 KM ili više, kupci će na poklon dobijati dm peškir.

Za kupce koji nisu u mogućnosti obaviti kupovinu tokom prva tri dana te iskoristiti popust, dm je osigurao ograničen broj kupona s iznosom popusta od 15% na ukupnu kupovinu, koji će se moći iskoristiti do 23.9.2021.

Sve kupce dm poziva i da do 2.9. učestvuju u nagradnoj igri u kojoj mogu osvojiti vrijedne nagrade! Prva nagrada je *Indesit* mašina za pranje i sušenje veša i dm poklon paket, druga nagrada je *Bosch multipraktik* i dm poklon paket, a kao treću nagradu dm je pripremio 10 dm poklon kartica u vrijednosti po 25 KM.

Radno vrijeme dm prodavnice u sarajevskom naselju Malta je od ponedjeljka do subote, od 9 do 21 sat, dok je nedjelja neradna.



Više informacija o dm drogerie markt d.o.o.

dm je na bosanskohercegovačkom tržištu prisutan od juna 2006. kada je otvorena prva dm prodavnica u sarajevskom naselju Dobrinja. Za 15 godina dm se pozicionirao kao vodeća kompanija u kategoriji drogerija sa više od 800 zaposlenika i 80 prodavnica u 44 grada te distribucijskim centrom u Sarajevu. U poslovnoj godini 2019/20. dm je u Bosni i Hercegovini ostvario promet od 199,6 miliona KM. Asortiman dm-a obuhvata preko 14.000 proizvoda etabliranih svjetskih i domaćih proizvođača, među kojima je više od 30 dm robnih marki kao što su Balea, alverde, Mivolis, trend IT UP, Denkmit, babylove, dmBio i druge. U cjelokupnom asortimanu posebno mjesto zauzimaju organska hrana, prirodna kozmetika i ekološki prihvatljivi proizvodi.

Saopštenja za javnost na raspolaganju su Vam na <https://www.dm-drogeriemarkt.ba/pr-i-mediji/saopstenja-za-medije>, a arhiva fotografija na <https://www.dm-drogeriemarkt.ba/pr-i-mediji/fotografije-za-medije>.

Za više informacija molimo Vas kontaktirajte:

Ajla Hadžić, menadžer Marketinga, dm drogerie markt d.o.o.

Tel: 033/778-300, e-mail: ajla.hadzic@dm-drogeriemarkt.ba

Alena Kulenović - Delić, PR Director, agencija McCann

Tel: 033/267-121, e-mail: alena.kulenovic@mccann.ba